

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Arsaattarfiiit ivigaaraasalorsorneqarnissaannut missingersuut B.

Imm. 03 2018-imut missingersuutinut ukiunullu missiliuuteqarfiusunut missingersuutinut kissaatit

Imm. 04 Tamalaat

Ataatsimiinneq aallartippoq nal. 08.49

Peqataasut:

Atassut

Inuit Ataqatigiit

Sofie Dorthe R. Olsen - Maniitsoq

Siumut

Karl Lyberth - Maniitsoq

Frederik Olsen - Sisimiut

Malik Berthelsen - Sisimiut

Nalunaaruteqarlutik peqataanngitsut:

Gideon Lyberth

Nalunaaruteqaratik peqataanngitsut

Emilie Olsen - Sisimiut

Imm. 01 Oqaluuserisassat akuersissutigineri

Akuersissutigineqarpoq



Imm. 02 Arsaattarfiiit ivigaaraasalersorneqarnissaannut missingersuut B.

Journalnr 22.02

Tunuliaqtaq

Arsaattarfinnut ivigaaraasassanik neqeroortitsereernermi, Sisimiuni Maniitsumilu arsaattarfiiit ivigaaraasalersorneqarnissaannut missingersuut B suliarineqarpoq.

Maleruagassatigut tunngavissat

Kommunit arsaattarfinnik ivigaaraasalersortitsinissaannut maleruagassatigut tunngavissaqanngilaq. Pissartangorniutsitsinerni arsaattarfiiit minnerpaamik qanoq mikitigissanersut pillugit, pissartangorniutsitsineq pillugu GBU-p malittarisassaani aalajangersagaqarpoq.

Pissutsit atuuttut

Ivigaaraasalimmik arsaattarfiliorniartilluni, arsaattarfiiit pioreersut ivigaaraasaqqanik qallerneqartarput. Arsaattarfiiit ivigaaraasaalersinnagit, arsaattarfik 6 % -imik sivinganilerlugu, ujaraaqqanik qallersorlugit narlorissarneqartarput. Maniitsumi arsaattarfimmi uuttortaanermi paasinarsivoq, arsaattarfik maniilakulattorujussuulluni narlorissarneqangaatsiartariaqartoq. Maniitsumi ujaqqeriveqanngilaq, taamaattumillu ujaraaqqanik tikisitsisoqartariaqarluni. Taamaattumik Maniitsumi arsaattarfiiup, naak Sisimiuni arsaattarfimmut sanilliullugu mikinerugaluartoq, ivigaaraasalersorneqarnissaa akisunerungaatsiartussaavoq.

Kalaallit Nunaanni ivigaasalersukkamik arsaattarfiliornissamut pilersaarusiornissamut periuseq nalinginnaasoq, Ineqarnermut, Attaveqarnermut Angallannermullu Naalakkersuisoqarfiiup 2012-imi suliaariaa. Tassani arsaattarfiiit ivigaaraasalersukkat angissusissaat pillugu FIFA-p inassuteqaataa malinneqarpoq, tassaasoq arsaattarfik titartugaasoq 68 x 105 meteriusussanngorlugu, isumannaallisaanermut zone-t ilanngullugit qallersugaq 72 x 111 meteriusoq. Sisimiuni arsaattarfik piusoq allilinngikkaluarlugu, taamak angitigisumik arsaattarfiliortoqarsinnaavoq. FIFA-p piumsaqaataatut annertussusilimmik arsaattarfiliortoqarnissaanut, Maniitsumi arsaattarfik piusoq mikivallaarpoq. Arsaattarfik ivigaaraasatalik 60 x 106 meteriusoq (arsaaffik titartugaq 56 x 100 meterinngorlugu) pilersinneqarsinnaavoq.

Pissartangorniunnerni arsaattarfik, pissartangorniutsitsinerni arsaattarfiiit minnerpaaffissaat pillugu GBU-p malittarisassai naapertorlugit massakkut 45 x 90 meteriuvoq, kisianni GBU-p paassisutissiissutigaa, minnerpaaffissaatut piumsaqaataasoq, FIFA-p piumasaqaataanut ukioq manna allangortinneqassasoq naatsorsuutigineqartoq. Maniitsumi arsaattartut peqatigiiffiisa oqaatigaat, arsaattarfiiit angissusissaannut FIFA-p piumasaqaataannut naapertuutumik arsaattarfittaarusullutik. Missingersuusiornermut atatillugu arsaattarfiiit allilerneqassasut naatsorsuutigineqarsimangilaq, taamaallaallu arsaattarfiiit ivigaaraasaqqanik qallersorneqassasoq naatsorsuutigineqarsimalluni.

Arsaattarfinnut piffissaliussat naapertorlugit, Sisimiuni arsaattarfik septembarip aallaqqaataani ivigaaraasalersorneqarluni naammassineqarsimassaaq. Maniitsumut tunngatillugu ujaraaqqat 2017-imi tikisinneqassapput, arsaattarfillu 2018-imi ivigaaraasalersorneqarluni.

Atuilluartuunissakkut kingunerisinnaasai

Aningaasaqarnikkut allaffissornikkullu kingunerisinnaasai

Sanaartornissamut 2017-imut missingersuutini, arsaattarfinnut taakkununnga marlunnut katillugit 8 mio. koruunit immikkoortinneqarnikuupput.



Arsaattarfimmut ataatsimut missingersuutit B-t marluk suliarineqarput, aataaseq qullilersorneqarnissaa minillugu, aappaalu qullilersorlugu.

Missingersuutit B-t:

Sisimiut, qullilersornagu	4.864.000
<u>Maniitsoq, qullilersornagu</u>	<u>5.699.000</u>
Katillugit 10.563.000	

Sisimiut, qullilersorlugu	7.235.000
<u>Maniitsoq, qullilersorlugu</u>	<u>8.272.000</u>
Katillugit	15.507.000

Arsaattarfiit qullilersornagit ivigaaraasalersuisitsinissamut taamaalilluni missingersuutitigut 2,6 mio. koruunit amigaatigineqarput.

Kommunalbestyrelsip 2017-imi juunip 15-iania ataaatsimiinnerani Tamalaani, arsaattarfinnut ivigaaraasaalersuisitsinissamut suliap killiffia paasissutissiissutigineqarpoq. Matumania Maniitsumi arsaattarfiup anginerpaaffigisinnasaanut missingersummik saqqumiussisoqarnissaanik kommunalbestyrelsi kissaateqarpoq. Ataaatsimiinnermi allaffeqarfiup paasissutissiissutigaa, arsaattarfiup anginerpaaffissaattut suliarineqarnissaanut aningaasartuutissat qaavatigut 4 mio. koruunit missaanniinnissaat naatsorsuutigineqartariaqartoq. Matumania missingersuutit suliarineqaqqarsimasut aallaavagineqarput, missiliutilli C-p nutartikkap takutippaa, qaavatigut aningaasartuutissat 7 mio. koruuniussasut. Qaartitigassat naatsorsuutigisamit annertunerunissaat assigiinngissutsimut patsisaaneruvoq, soorluttaaq naatsorsuutigisamit ivigaaraasaaqqat akisunerullutik.

Arsaattarfiup angissusissaannut FIFA-p piumasaqaataa naapertorlugu Maniitsumi arsaattarfiliornissami missingersuutit tamakkiisut ima isikkoqarput:

Sisimiut, qullilersornagu	4.864.000
<u>Maniitsoq, qullilersornagu, FIFA-p piumasaqaataatut annertussuseqartoq</u>	<u>12.750.000</u>
Katillugit	17.614.000

Taamaalilluni arsaattarfiit angissusissaannut FIFA-p piumasaqaatai naapertorlugit arsaattarfiliortitsissagaanni, missingersuutini 9,6 mio. koruunit amigaatigineqarput.

Qullersaqarfiup oqaaseqaatai
Oqaaseqaatissaqaanngilaq.

Allaffeqarfiup naliliinera
Qullilersorneqarnissaat kissaatigineqarpat, kingusinnerusukkut qullilersuisitsisoqarsinnaavoq. Arsaattarfiit aasaanerinnaani qaamanerpaasarfiani atorneqartarmata, qullilersorneqarnissaat pingaaruteqarpallaanngilaq.
Aallaqqaammut qaartiterisoqarani arsaattarfiup ivigaaraasalersorneqassasoq aalajangiisoqassagaluarpat, arsaattarfiit angissusissaannut FIFA-p piumasaqaatai malillugit Maniitsumi arsaattarfik kingusinnerusukkut aamma allilerneqarsinnaavoq. Taamanikkornissaanut arsaattarfik allilerneqalerpat, ivigaaraasaaqqat ilaat illikartiterneqarsinnaapput.



Innersuussut

Teknikkeqarnermut, Aatsitassarsiornermut Avatangiisinullu ataatsimiititaliamut innersuussutigineqarpoq,

- Sisimiuni 72 x 111 meterimik, Maniitsumilu 60 x 106 meterimik ivigaaraasalersukkamik arsaattarfiliornissanut 2,6 mio. koruuninik immikkut aningaasaliissuteqartoqassasoq.

imaluunniit

- illoqarfinni taakkunani marlunni 72 x 111 meterinik arsaattarfinnik ivigaaraasalersuisitsinissamut 9,6 mio. koruuninik immikkut aningaasaliissuteqartoqassasoq.

Aalajangiineq

TAAA aalajangiineri tassaapput:

- Maniitsumi arsaattarfimmik ivigaaraasalik pillugu aalajangiinissaq utaqqinngikkaluarlugu Sisimiuni 4.864.000 DKK-nik missiliuuserlugu allaffeqarfip innersuussutaa naapertorlugu piaarnerpaamik arsaattarfimmik ivigaaraasalimik pilersitsisoqassasoq.
- TAAA Aningaasaqarnermut Ataatsimiititaliamut Kommunalbestyrelsismullu innersuussutigaa, takuuk "Aningaasaqarnikkut allaffissornikkullu kingunerisinnaasai"-ta ataani 12.750.000 DKK-nik missiliuuserlugu, Maniitsoq FIFA angissusiligaatut angitigisumik arsaattarfimmik ivigaaraasalimmik qullersualersorneqanngitsumik arsaattarfilerneqassasoq..

Taamaalilluni missiliuut tamakkiisoq 17.614.000 DKK-nik annertussuseqarpoq, tamannalu 9,6 mo. DKK-nik immikkut aningaasaliisoqarnissaanik pisariaqartitsilerpoq.

Ilannngussaq

1. Missingersuut B, Sisimiut, arsaattarfik 72 x 111 m
2. Missingersuut B, Maniitsoq, arsaattarfik 60 x 106 m
3. Missingersuut C, Maniitsoq, arsaattarfik 72 x 111 m
4. Arsaattartut peqatigiiffiinit saaffiginnissut



**Imm.03 2018-imut missingersuutinut ukiunullu missiliuiteqarfiusunut
missingersuutinut kissaatit**

Journal nr. 06.01.03

Tunuliaqutaq

2018-imut missingersuutinut ukiunullu missiliuiteqarfiusunut 2019-imiit 2021-mut piffissatut pilersaarut 2017-imi maajip 16-ian Aningasaqarnermut ataatsimiititaliap ataatsimiinnermini akuersissutigaa. Tamatuma imarivaa, missingersuutinut kissaatinik nuutsinissatullu siunnersuutinik ataatsimiititaliat kingusinnerpaamik juunip 20-aní nassiussaqarsinnaasut. Ingerlatsinermut siunnersuutinik pingasunik sanaartornissamullu siunnersuutinik tallimanik aammalu spaarniutissatut siunnersuutinik killeqanngitsunik nassiussinissamut periarfissaqarpoq.

Maleruagassatigut tunngavissat

Qeqqata Kommunianut karseqarnermut naatsorsuuserinermullu malittarisassat 2018-imut missingersuutinut ukiunullu missiliuiteqarfinnut piffissatut pilersaarut pingarneq.

Pissutsit atuuttut

Teknikkeqarnermut, Aatsitassarsiornermut Avatangiisinullu ataatsimiititaliamut, suleqatigiinnissamut isumaqatigiissut tullinnguuttutigut qulequtaqarpoq:

- A. Tekniki
- B. Upalungaarsimaneq
- C. Inissiat
- D. Umiarsualiviit
- E. Aatsitassat
- F. Avatangiisit

Allaffeqarfiup naliliinerani sammisat, siuliani akisussaaffeqarfinnut tunngassuteqartut allassimasunut tunngasut allattorsimapput, ingerlatsinermut sanaartornermullu agguataarneqarput tamarmillu immikkut nassuiarneqarlutik.

Sanaartornermut missingersuutini pioreersumi atuiffinni 70, 72, 76 aamma 77-imi tullinnguuttunut aningaasaliissut immikkoortinneqarput, ataasiakkaanut tamanut naatsumik killiffinnik nassuaateqarlutik– Missingersuutitigut aningaasaliissutit nalunaarsorneri ilanngussaq 1-imi 2-milu takukkit:

- a. 2017-imit 2020 tikillugu sanaartukkanik nutarsaaneq

Ukiunut 2018-imit 2020 tikillugu missiliuteqarfiusunut ukiumut 15 mio. koruunit immikkoortinneqarput, taakkunannga 13 mio. koruunit kommunip inuutissarsiornermut illutaanut immikkoortitaallutik, 2 mio. koruunillu kommunip inissiaataanut immikkoortitaallutik.

Kommunip inissiaatai INI A/S-imik ingerlanneqarput. Illuutit amerlassusaat naapertorlugit Sisimiut Maniitsuullu akornanni aningaasaliissutit 2017-imi siullermeertumik agguataarneqarput. Allaffeqarfimmit ilaatigut tunngavilersuisoqarpoq, ukiuni arlaqartuni aserfallatsaaliinikkut kinguleruttoqarneratigut, immikkoortoq annertunerusumik sammineqarnissaanik pisariaqarttsilernimasoq kiisalu ukiuni tulliuttuni 30-ni nutarsaanerit aserfallatsaaliinerillu ataavartumik ingerlanneqanngippata, kommunip naliliutai 1 milliard koruunit missaanik naleqartut annaasinhaallugit.

Sisimiuni kalaalimineerniarfissamut nutaamat pilersaarusiortoqarpoq, nutarterinissamut aningaasaliissutinit pioreersunit aningaasaliiffigineqarluni. Taamaalilluni ullutsinnut



naleqquttumik illumik atortorissaarutinillu peqartoqalissaq. Illumik pilersaarusrusiorneq sulisut, aalisartut piniartullu peqatigalugit ingerlanneqassaaq.

- b. 2017-imi illoqarfinni innarluutilinnut inissianik sanaartorneq Maniitsumi Sisimiunilu sanaartornerit ingerlapput, 2018-imilu naammassineqassallutik.
- c. 2017-imit 2020 tikillugu nunaqarfinni illuliassat katiteriaannaat Sanaartoqatigiinnut taarsigassarsitsinissamut 2017-ip apriliip aallaqqaataanut qinnuteqarnissaq killilerneqarpoq, sinnerilu allaffeqarfimmit kommunip inissisimaffiini assigiinngitsuni kommunip sanaartugaatut sanaartorneqarnissaat innersuussutigineqarluni. Ukiunut 2018-imit 2020 tikillugu missiliuteqarfiusunut illuliassanut katitigassanut sanaartornissamut 6 mio. koruuninik aningaasaliisoqarpoq.
- d. 2018-imit 2020 tikillugu inissialiornissamut aningaasaateqarfik Inissianut, matumunnga innarluutilinnut utoqqarnullu inissianut, 2018-imit 2020 tikillugu missiliuteqarfiusunut 10 mio. koruuninik aningaasaliisoqarpoq. Sumi sanaartortoqassanersoq allassimangilaq.
- e. 2017-imi 2020 tikillugu illoqarfinni asfaltlersuineq 2018-imi Maniitsumi asfalteinissamut pilersaarutit, 2017-imi ingerlanneqarnissaannut siuartinneqarput. Sisimiuni ukioq kingulleq asfaltlersuineq asfaltiliorfipisoqaangaatsiartup ajortoornera patsisaalluni unitsinnejarpoq. Siunissami asfaltimik pilersuinissaq eqqarsaatigalugu, asfaltiliorfimmik nutaamik pisinissaq pisariaqartutut nalinerneqarpoq. Asfaltiliorfik pioereersumik nalinginnaasumik asfalteinissamik missingersuut pioereersoq taamaallaat imaqarpoq.
- f. 2017-imit 2020 tikillugu kuuffissuarnik nutarsaaneq 2017-imut 3,5 mio. koruunit kiisalu ukiunut 2018-imit 2020 tikillugu missiliuteqarfiusunut taamatulli annertutigisunik aningaasaliisoqarpoq, Namminersorlutik Oqartussat peqatigalugit aningaasaleeqataanermut aaqqissuussamut. Kuuffissuarnut pioereersunut, Namminersornerullutik Oqartussanit kommuninut tunniunneqarsimasunut Namminersorlutik Oqartussat aningaasaliivoq.
- g. 2017-imi 2020 tikillugu kuuffissuarnik nutaanik pilersitsineq 2018-imit 2020 tikillugu missiliuteqarfiusunut kuuffissuarnik nutaanik pilersitsinissamut ukiumut 3 mio. koruuninik aningaasaliisoqarpoq. Sisimiuni 2017-imut suliariumannittussarsiuussisoqareerpoq, suliassallu ingerlanneqarnissaapilersaarusrusiorneqaleruttorluni.
- h. 2017-imi maskiinanik qamutinillu assakaasulinnik pisiniarneq Pisiniarnerit ingerlapput.
- i. 2017-imit 2020 tikillugu Kangaamiuni iliveqarfimmut aqqusineq Kangaamiuni iliveqarfimmut aqqusinissamut ukiunut 2017-imit 2020 tikillugu ukiumut 1 mio. koruunit aningaasaliissutigineqarput.
- j. 2017-imit 2018 tikillugu Sisimiut Kangerlussuullu akornani nunaannakkut aqqut/ATV-nut ingerlavissiaq kiisalu Alanngorsuup tungaanut aqqusineq Nunaannakkut aqqutinut VVM suliarineqaleruttorpoq, Namminersorlutik Oqartussat suliamut suliarinninnissaannut tunngaviliisussaq.
- k. 2017-imi Apussuarnut ATV-nut ingerlavissiaq
- l. 2017-imit 2018 tikillugu Sisimiuni naluttarfimmut kiassaateqarfimmit pilersuinerup aqquataa Naluttarfimmut suliniummut kiassaateqarfimmit pilersuinerup aqquataanut aningaasaliissutit attuumalluunnaqqissaarp. Sisimiuni naluttarfissamut kiassaateqarfimmit pilersuinerup aqquataata suliarineqarnissaanut kiisalu ikuallaavimmit kissamik aqqutit annertusineqarnissaannut, Nukissiorfinnut isumaqatigiissutissaq qulakkeerneqareerpoq. 2017-imit 2018 tikillugu suliaq ingerlanneqassaaq.



m. 2017-imi Sisimiuni uuliakunik ikuallaavik

Uuliakunik ikuallaavik 2017-ip aasaanerani ikkussorneqassaaq, kiassaateqarfimmillu kissamik pilersuinissaq patajaannerulersissallugu.

n. 2017-imit 2020 tikillugu avatangiisitigut pitsanngorsaanissamut aningaasaliissutit

Nunaqarfinni saviminikunut kiisalu eqqagassanut imermillu mingunnikumik isumaginninnissamut ukiumut 1 mio. koruuninik aningaasaliisoqarpoq.

2017-imi imermut mingunnikumut pilersaarusiornissamut aningaasaliissutit pingaarnertut atorneqassapput, pilersaarullu kingusinnerpaamik 2018-imi naammassineqarsimassalluni. Tamatuma saniatigut ulluinnarni sulinermi saviminikunik, biilikunik, angallatikunik assigisaanillu illoqarfiup iluanit piaanissamut ineriertortitsinermik atuutilersitsinermillu suliaqartoqarpoq.

2018-imi imermik mingunnikumik pilersaarummi, umiarsualivinni mingutsitsineq aamma ilanngunneqassaaq. Avataanit siunnersortit atorlugit imermut mingunnikumut pilersaarummik suliaqarnissamut, TAA 08 16 11 Avatangiisinik pitsanngorsaanissamut aningaasaliissutit naapertorlugit, 350.000 koruunit immikkoortinneqarput. 2018-imi imermut mingunnikumut pilersaarut naammassineqarsimassaaq.

o. 2020-mi Sisimiuni ikuallaavik

Ilanngussaq 3 - Kommunalbestyrelsip nalinginnaasumik ataatsimiinnerani 01/2017-imi imaqarniliaq, Teknikkimut Avatangiisinullu sanaartukkat allattorsimaffiat pingaarnersiugaq imm. 7 naapertorlugu, 2018-imit 2021 tikillugu Namminersorlutik Oqartussanut sanaartornermut kissaateqarnermut atatillugu, Sisimiuni ikuallaavimmut 74 mio. koruunit immikkoortinneqarput.

Nukissiorfimmut tunisinermi isertitat nalinginnaasumik ukiumut 3-4 mio. koruunit missaaniittarput. Qeqqata kommuuniata Nukissiorfiillu akunnerminni kingullertut tunisinermut isumaqtigiiissutaat ileqqussanngortinneqarput, soorluttaaq tunisisinnaanermut periarfissat 2018-imiit atuisussat arfinileriaammik annertusissasut. Periarfissat tamakkiisumik atorluarniarlugit, Namminersorlutik Oqartussanut kissaatit pioreersunik missingersuutitallit naapertorlugin, ikuallaavik nutaaq pisariaqartinneqassaaq. Ikuallaavimmut nutaamut sanaartornissamut aningaasartuutaasussat, ingerlatsinermi isertitassanit matussuserneqartussatut isikkoqarpoq. Taamaalilluni Kalaallit Nunaata oqaluttuarisaanerani siullermeertumik avatangiisinut akornutaanngitsumik ikuallaaveqalersussatut isikkoqarpoq, minnerunngitsumillu kommunimut nunalu tamakkerlugumut atatillugu aningaasaqarnikkut imminut napatissinnaasoq.

Sisimiuni nutaamik ikuallaavimmik sanaartortoqarnissaa pingaaruteqarpoq, avatangiisinut mingutsitsinngitsumik eqqagassalerinermik pisariaqartitsineq, annertussusaata pisariaqartinnera, minnerunngitsumillu sumiiffimmi nunalu tamakkerlugu Nukissiorfiinnut kissamik tunisinissamut isumaqtigiiissut naapertorlugu aningaasaqarnikkut iluanaarutissat aallaavigalugit.

Eqqagassanik ajornartorsiuteqarneq Sisimiuni annertunerusoq, ikuallaaviup pioreersup tigusisinnasamik ajornartorsiuteqarneratigut aammalu kommunimi eqqagassat annertunerpaartaat eqqaavissuup avataani ketersorneqarneratigut ersarippoq.

"Avatangiisinik pitsanngorsaaneq"-rup kiisalu ulluinnarni ingerlatsinerup iluani, ilaatigut nunaqarfinnit eqqagassat aqunneqarsinnaanerinik suliaqarnermik ingerlatsisoqarpoq.

Eqqagassalerinermut pilersaarutip maannakkut suliarineqartutigut, eqqagassalerinermik matumanilu kommunimi tamarmi ikuallaaveqarnikkut pisariaqartitsinermik matussusiissaq.

Eqqagassat annertussusaannik, isumaginneriaatsimut siunissamilu kommunip ataatsimoorussamik eqqagassalerineranik erseqqissaasuussapput. Eqqagassalerinermut pilersaarummi Avatangiisit innarlitsaaliorneqarnissaanik Inatsisartut inatsisaat nr. 9, 22.



november 2011-meersoq aallaavigissavaa. 2017-ip naanerani eqqagassalerinermut pilersaarutip naammassineqarnissa naatsorsuutigineqarpoq

Maniitsumi Sisimiunilu TAI-ni avataanit siunnersortit suleqatigalugit, kommunimut eqqagassalerinermut pilersaarutinik inaarsaaleruttorput. Eqqagassalerinermut pilersaarutip suliarineqarnissaannut namminersorlutik oqartussanit akuersarneqareerpoq. 2017-imi eqqagassalerinermut pilersaarut naammassineqarsimassaqaq.

Sisimiuni ikuallaavimmut pilersaarut, kommunip illoqarfiinut nunaqarfiiinullu kiisalu kommunip avannaatungaani illoqarfinnut nunaqarfinnullu siunissami eqqagassalerinermut ataqtigiissumik pilersaarusiornissamut pingaaruteqarluinnassaaq. Sisimiuni eqqakkanut naqiterivimmik poortuummillu piniartoqareerpoq, eqqakkat eqqaavissuarmit tingissinnaajunnaartittussaallugittaqaq. 2017-imi aggustip missaani atuutilertussaassaaq. Sisimiuni eqqavissiuup eqqaani minnerusumik ungaluliinissamut, Namminersorlutik Oqartussanut 850.000 koruuninik qinnuteqartoqareerpoq. Namminersorlutik Oqartussalli qinnuteqaatip suliarineranut atatillugu qanoq aalajangiisoqassanersoq nalorninartoqarpoq. Kommunip qinnuteqaataa akuersissutigineqassappat, ungalilersuinerit 2017-imi ingerlanneqarsinnaavoq.

- p. 2017-imit 2018 tikillugu Maniitsumi Ungusivik-mi Inuussutissarsiornermullu immikkoortumi sanaartorfigissaaneq
Ungusivik-mut 2018-imut 5 mio. koruunit aningaasaliissutigineqarput.
- q. 2017-imit 2018 tikillugu Sisimiuni Akiani, Mittarfikumi Ilinniartullu inissiaqarfiani sanaartorfigissaaneq
Mittarfikup eqqaani inuussutissarsioruntunut immikkoortumut 2017-imi 3 mio. koruunit aningaasaliissutigineqarput. Kommunip pilersaarusiorfingeqarneranut tapiliussaq suliarineqaleruttorpoq, immikkoortumi sanaartornissap nassuiarneqarnissaanut sulariumannittussarsiorissaanullu pisariaqartoq.
Tamatuma saniatigut A22/23-mut Akianut 1,5 mio. koruunit aningaasaliissutigineqarput, 2017-imullu aammalu 2018-imut Akiani inissiaqarfissamut sanaartorfigissaanissamut katillugit 2 mio. koruunit aningaasaliissutigineqarlutik.

Ingerlatsinerup iluani teknikkimut avatangiisinullu immikkoortumi atuilluartumik sanaartoriaatsimik sanaartukkanillu aserfallatsaaliiinermik, eqqagassalerinermit, ikuallaavimmit kissamik tunisinermit, illoqarfiup takujuminarsarnissaanut aaqqiissutissanik atuutilersitsinissamik, minnerunngitsumillu umiarsualivimmut tunngasunik pitsaasumik sullissinissap aningaasaqarnikkullu ataqtigiissumik ineriertortitsinissaq siunertalarugu inuussutissarsiornermik ingerlatsinermik suliaqarnissamik sammisaqarpoq.

Sisimiuni eqqakkanik immikkoortiterinerup aaqqissuussaaneranik suliniutit ilaat, Maniitsumut nunaqarfiiinullu siaruartinniarneqarsimavoq. Sisimiuni avatangiisitigut misiligummik suliniutit arlaqartut ARTEK suleqatigalugu ingerlanneqarnikuupput, pitsaasutullu nalilerneqarpata aatsaat siaruarterneqartariaqarlutik.

Maannakkut Nutarterinermut aningaasaaliissutit iluanni sanaartukkat nukissamik atuinerinut tunngasunik misiliutinik suliniutinik ingerlatsisoqarpoq, matumanisipaarutaasinnaasutut periarfissat ilanngulligit. Taamaalilluni suliniummut aningaasaliiffingeqareersumut, Arteksuliniutip nassuaaffigineqarneranut peqataavoq.

Maniitsumi TAI seqinisaaatinik pilersitsinissamik kiisalu qulliit LED-nik il.il. taarsersuinissamik pingaarerutitsisimavoq. Ikuallaavimmit kissamik Nukissiorfinnut tunisiniissamik pitsangngorsaataasumik atuilluartumik atuisinnaanermik, Sisimiuni TAI immikkut suliaqarpoq.



Tasersiap atorluarneqarnissaanik sulisoqarpoq: borgmesteri Naalakkersuisumik Hans Enoksen-imik ataatsimeeqateqareerpoq, 2017-illu ukiup affaata aappaani ataatsimoorussamik erngup nukissiuuteqarnissamut periarfissanik ussassaarinissamik isumaqatigiittoqarluni. Aatsitassarsiornermi suliniutini sapinngisamik amerlanerpaanik kalaallinnik sulisoqarneq.

Atuilluartuunissakkut kingunerisinnaasai: 2018-imut missingersuutinut ukiunullu missiliuuteqarfiusunut politikkikkut anguniakkat missingersuutinullu kissaatit akornanni naapertuttoqarpat atuilluartuunerussaaq.

Sanaartornermut suliniutit ingerlatsinikkut isertitatigut imaluunniit sipaaruteqarnikkut, siunissaq qaninnerusoq ungasinnerusorlu eqqarsaatigalugit aningaasaqarnikkut pitsangorsaasinnaasunik sammisaqarneq aningaasaqarnikkut atuilluarneruvoq. Atuillartumut tunngatillugu allanut sanaartornermut suliniutit aningaasaqarnermuunngitsoq, inuaqatigiinnuli naleqartut toqqarneqarsinnaapput.

Aningaasaqarnikkut allaffissornikkullu kingunerisinnaasai

Piffissamut pilersaarut naapertorlugu, 2017-imi juunip 20-anit agustip tungaanut ataatsimiititaliat ataatsimiittarnerini, ataatsimiititalianit, partiinit nunaqarfinnilu aqutsisuniit siunnersuutit tiguneqarsimasunit kingunerisassat allaffeqarfiup misissussavai.

Allaffeqarfiup naliliinera

TAI-p akisussaaffiinut, kommunip pilersaarusrorfigineqarneranut kiisalu upalungaarsimanermut atatillugu, suleqatigiinnissamut isumaqatigiisummi nutaami ilaatigut tullinnguuttunik imaqarpoq:

- Sisimiut Kangerlussuullu akornanni aqqusineq
- Aqqusinermi, sanaartorfigissaanerni, pilersuinerni pissutsini umiarsualivinnilu attaveqaqatigiinnerinik pitsangorsaaneq.
- Teknologit nutaaliat sammineqarneri.
- Eqqagassalerinermi imermillu mingunnikumut atatillugu avatangiisitigut pissutsit pitsaaasut.
- Inissianut aningaasaliineq.
- Upalungaarsimanermi sulisunik ilinniartitseqqiineq atortulersuutaannillu nutarterineq.
- Aatsitassarsiornermi periarfissanik, aatsitassarsiornermilu suliffeqarfinnik suleqatigiinnermi pissutsinik atuilluarneq.
- Kalaalimineerniarfinni atortorissaarunik ineriaartortitsineq.
- Aalisartunut piniartunullu attaveqaqatigiinnermi pissutsinik ineriaartortitsineq.

Ingerlatsinermut sanaartornermullu tunngasunik suliniutissatut siunnersuuteqarnerup saniatigut, suleqatigiinnissamut isumaqatigiisummi taakkartorneqartutut attuumassuteqartullu, ilanngussat 4-7 naapertorlugit, 2014-imit 2017 tikillugu kommunalbestyrelsiusimasumi missingersuutitigut kissaatigisarsimasaat allaffeqarfimmit ilanngunneqarput. Kingullertut eqqaaneqartunut pilersaarutinut nassuaatit aningaasaliissutigineqartullu amigaateqarsinnaanerat, allaffeqarfimmit ilimagineqarpoq. Pilersaarutinut ersarinnerusumik nassuaateqarnissaq pisariaqartinneqassaaq, taamaalilluni kissaatinut missingersuusiornissamut allaffeqarfik suliaqarsinnaassalluni.

Sipaaruteqarnissanut atatillugu, allaffeqarfimmit toqqaannanngikkaluartumik siunnersuutit arlallit allassimapput. Ilaatigut:

- Ikuallaavimmuit missingersuutinut atatillugu, aningaasaliissut Qeqqata Kommunianut toqqaannartumik ukiumut marlunnik kisitsisitalinnik millionilikkaanik isertitaqartussatut nalililerneqarpoq.
- Iluarsartuussinissamut aningaasaateqarfik pillugu, kommunalbestyrelsiusimasumit kommunip illuutaanik aserfallatsaaliinikkut sivisunerusumik piusinnaallutik, innuttaasut



akileraartartunut hundrede mio.-nilikkaanik sipaaruteqarfiusuutitigut, imminut akilersinnaasutut nassuiarneqarpoq.

Allaffeqarfiusuutitigut nalilerpaa, sulinerup ingerlaqqinnissaanut ilannguttariaqartunik, pissarsianik tullinnguuttunik ataatsimiititaliap akisussaaffeqarfia iluani suleqatigiinnissamut isumaqatigiissut sammisaqartoq.

Ingerlatsinermut tunngasutigut immikkoortut:
Tullinnguuttunit annerpaamik siunnersuutit pingasut:

1. Kommunalbestyrelsiusimasumi 2014-imit 2017 tikillugu missingersuutitigut kissaataasarsimasut, ukiut tamaasa allattorneqartartut kiisalu ilanngussaq 4-7-mi takuneqarsinnaasut innersuussutigineqarput.
Malugiuk, ukiuni taakkunani ilanngussani missingersuutitigut kissaatit tamarmik takuneqarsinnaammata, tamarmillu TAAA-p akisussaafeqarfianiittuunatik. "Pissutsit atuuttut" siuliani allassimasut naapertorlugit, taakku naapertorlugit missingersuutitigut kissaateqartoqassappat, taava TAAA-p akisussaafeqarfianit: Teknikki, Upalungaarsimaneq, Inissiat, Umiarsualivik, Aatsitassat kiisalu Avatangiisimut tunngassuteqassapput. Matumani ingerlatsinermut tunngasunut aamma atuuppoq.
2. Asfaltiliorfik.
Sisimiuni asfaltiliorfiusuutitit uteqqiasumik unittooqattaarnera patsisaalluni asfaltiliorniarneq kipiluttunarpoq, 2018-imilu asfaltilerinerup atuutileqqinnissaa eqqarsaatigalugu piaartumik pisiniarnissamik iliuuseqarnissaq pisariaqarluinnarpoq. Maniitsumi asfaltiliorfiusuutitit pisariaqartumik nutarsarneqarnissaanut 1 mio. koruunit pisariaqartinneqartut saniatigut, 15,2 mio. koruuninik pisariaqartitsisoqarpoq.
Pingaartumik Sisimiuni aqquserngit nuna qeriuannartumi annertunerusumik pilersitaapput, aqqusernginullu naapertuutinngitsumik toqqaviligaanerat ingerlatsinikkut akisungaatsiarluni. Sisimiuni asfaltiliorfik ima pisoqaatigaaq, ilisimasalinnik piusinnaanera ukiuni 0-1-imi sivisussuseqartoq. Tamanna aamma Teknikkimut Avatangiisinullu immikkoortortamit paasineqarpoq.
Asfaltiliorfik COLAS-imit missiliuutitut neqeroorutigineqartut, maannamut sanilliullugu piginnaasaata marloriaatip missaaniippoq, sulisunullu tunngatillugu ingerlatsinermi annertuumik sipaaruteqarnermik kinguneqassalluni.
Asfaltiliorfik angallanneqarsinnaasoq pineqarpoq. Ima paasillugu, sumiiffinni asfaltilersuinermik pisariaqartitsiviusumut inissinneqarsinnaalluni. Assersuutigalugu Kangerlussuarmi aqqusinernik asfaltilersukkanik nutarsaanissaq annertuumik pisariaqartinneqarpoq, Maniitsullu illoqarfiani maannakkut asfaltiliuutaa ajortissagaluarpat aamma pisariaqartitsisoqalissalluni.
Sisimiuniittumut sanilliullugu, Maniitsumi asfaltiliorfik nutajuneruvoq, taamaalillunilu maskiinartaa ajunnginnerulluni. Taamaattorli ukiuni arlaqalersuni aqutsinermut atortua atorsinnaasimanani. Tamannalu tunngavigalugu asfaltimik akoorinermik ilisimasaqarluartumik aqutsisoqarnissaq pisariaqarsimalluni. Ukiuni arlaqartuni asfaltilersuinermi Colas-imit maskiinamik ingerlatsisinaasumik attartortarsimavugut, taannali maannakkut naammagiliinissaa qanilliartorpoq, taamaattumik asfaltiliuummik aqutsinermut atortuata nutaamik taarserneqarnissaa pisariaqarluinnalerpoq. Aqutsinermut atortoq 1 mio. koruunilerlugu nassiunneqarsinnaallunilu ikkussorneqarsinnaavoq.



Sisimiuni asfaltiliuut:		
Asfaltiliuut il.il.	Aningaasartai	
Asfaltiliuummik pisineq + nassiunnera + asfaltiliuummillu aallartitsineq	13.100.000 kr.	Missiliuut C
Bitumen-imut containeri + nassiunnera	400.000 kr.	Missiliuut B
emulsion-imik serpartaatit + nassiunnera	650.000 kr.	Neqeroorut
Asfaltiliorfikup ppiarneqarnera + saviminikut	60.000 kr.	Missiliuut C
Asfaltiliorfik – pisineq, nassiunnera asfaltiliorfikullu ppiarneqarnera ingerlatsinermillu pitsangorsaaneq	14.121.000 kr.	
Maniitsumi Asfaltiliorfik:		
Aqutsinermut atortoq nutaaq	1.000.000 kr.	Missiliuut B
Katillugit	15.121.000 kr.	

3. Upalungaarsimanermut ilinniartitsinissamut aallarniineq atortullu nutaat:

Upalungaarsimanermi ulluinnarni ingerlatsinermut pitsangorsaanissamut katillugit 9,6 mio. koruunit pisariaqartinneqarput.

2017-imi marsip arferngani Qeqqata Kommuniani annaassiniartarnermi upalungaarsimaneq pingaarnertut atortut, annaassiniartarnermi upalungaarsimanermiit saqqummiunneqarpoq.

Pisariaqarluinnaqqissaartutut taasariaqartoq tassaavoq, sulisunit ilinniartitsinissamik kinguleruteqqaneq, ukiunut pingasunut 4,2 mio. koruuninik naleqartoq, agguaqatigiissillugit ukiumut 1,4 mio. koruuniulluni. Sisimiunut Maniitsumilu Upalungaarsimasunut tankvogn-inik pisiniarneq 2 x 2 mio. koruuninut nalilerneqarpoq.

4. Maniitsumi ikuallaavimmi sulisut amerlassusaat ataatsimik qaffanneqarnissaanut annertuumik kissaatigineqarpoq. Ingerlatsinermi aqutsisup saniatigut ikuallaavimmi, tigooraavimmi eqqaavissuarmilu sulisut katillugit arfiniliupput. Taakkunannga sulisut marluk unnuukkut unnuakkullu nakkutilliisuuussussaapput, taamaalillunilu sulisut sisamaasut kisimik ulluunerani sulisarlutik, sulinngiffeqartillugu imaluunniit napparsimasoqartillugu ikuallaavimmik ingerlatsinissamut sulisut ikippallaalertarlutik.

5. Illunik eqqissisimatissamut innuttaasut kissaataat ilanngunneqassapput:

Illup killiffianut allannguuteqarnermut atatillugu, eqqissisimatitaappat imaluunniit eriagisassaappat, killiffiata allanngortinneqarnissaanut suut kissaataanersut, assersuutigalugu innuttaasunik ataatsimiisitsinikkut, erseqqissarlugit nassuaassutigisariaqarput.

Illunut eqqissisimatitanut eriagisassanullu inatsit matumunnga ilanngunneqassaaq, immikkulliarissumik inatsit matumunnga attuumassuteqarmat. Eqqissisimatissarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq naapertorlugu.

6. Inuutissarsiuutinut nutaanut ukiunut arlaqartunut pilersaarut: Inuutissarsiuutinik ineriertortitsineq Inuussutissarsiuutinut Takornariaqarnermullu ataatsimiititaliap ataaniippoq.
Siunissamut pisussat eqqarsaatigalugit kommunip pilersarusiorfigineqarnera mississorneqareerpat, sanaartorfigissaanissamut suliniutinut, sanaartornissamut aningaasartuutaasinjaasunut missiliuutinik aatsaat saqqummiisoqarsinnaalissaq.

Sanaartorneq pillugu immikkoortut:

Tullinnguuttunit annerpaamik siunnersuutit tallimat:



1. Kommunalbestyrelsiusimasumi 2014-imit 2017 tikillugu missingersuutitigut kissaataasarsimasut, ukiut tamaasa allattorneqartartut kiisalu ilanngussaq 4-7-mi takuneqarsinnaasut innersuussutigineqarput.
Malugiuk, ukiuni taakkunani ilanngussani missingersuutitigut kissaatit tamarmik takuneqarsinnaammata, tamarmillu TAAA-p akisussaafeqarfianiittuunatik.
"Pissutsit atuuttut" siuliani allassimasut naapertorlugit, taakku naapertorlugit missingersuutitigut kissateqartoqassappat, taava TAAA-p akisussaafeqarfianit: Teknikki, Upalungaarsimaneq, Inissiat, Umiarsualivik, Aatsitassat kiisalu Avatangiisimut tunngassuteqassapput.
Matumani sanaartornermut tunngasunut aamma atuupoq.
2. Inissiat:
Inissaaleqinerup akiorneqarnissaanut suliniuteqarfingisinnaasanut ilaatigut attartortumit-piginnittumut, missingersuutit pioreersut saniatigut, ilaatigut Sisimiuni Maniitsumilu inissiat isatikkanut taarsiissutit, kommunimi tamarmi utoqqarnut inissiat, nunaqarfinnut illuliassat katitigassat kiisalu 20-20-60 aamma piginneqatigiilluni inissiat ilaallutik, Namminersorlutik Oqartussat inissianik isatikkanut taarsiissutissanik sanaartornissa, missingersuutaasut ingerlanneqartut ssanaartornissamullu missingersuutinut Namminersorlutik oqartussanut kissaatit taakkartorneqartut saniatigut, qulakteerniarlugu sulissutigineqarpoq.
Maannakkut missingersuusiorissaq ajornakusoopoq. Piginnittumit-attartortumut eqqunneqassappat, tunisinermi isertitaqartoqassaaq, tamatumalu kingunerissallugu nalillit pigisat appariaateqarnissaat. Tamatuma saniatigut tunisinermut atatillugu aserfallatsaaliiinermut il.il. kommunip pisussaaffigisaat appariaateqassallutik.
3. Nuna tamakkerlugu qatserinermut annaassiniarnermullu ilinniarfimmik pilersitsinissamut annertuumik pilersaarummut Sisimiuni qatserutaasivimmik alliliinissaq ilaavoq, tamannalu 7 - 10 mio. koruuninik nalilerneqarluni.
4. Aqqusinernik aqqusineeqqanillu pitsangorsaaneq kiisalu angallannermi sillimanissamut aaqqiissutit:
Pingaarnertut aqquserngit naapiffiinut atatillugu angallannermut sillimaniarnissami unammillernartoqarpoq, tamakkulu angallannikkut nalimmassaalluni aqtsinermik, rundkørselinik pilersitsinikkut aaqqiivigineqartariaqarlutik. Soorlutaaq aqqusinerni ataasiakkaani nuna qeruaannartoq aqquserngillu naapertuitinngitsunik toqqaveqartut annertuumik nutarsaaffigineqarnissamik pisariaqartitsisut.
Sisimiuni Maniitsumilu aqqusinernik nutarsaanissamut suliniutinut aningaasaliissutinut siullertut immikkoortitsisoqartariaqartoq nalilerneqarpoq.
Ukiunilu kingullerni aqquserngit qanoq issusaanik nalunaarsuinerit kiisalu 2017-imit 2021 tikillugu Suleqatigiinnissamut isumaqatigiissut, aqqusinernik pitsangorsaanissamik kiisalu angallannermut pissutsinik qulakteerinissamut angusaqarnissamik sammisaqartoq, pillugit aqquserngit kiisalu angallannermut sillimaniarnermut nutarsaanissamut missingersuutitigut una kissaataavoq. Matumani angallannermut, pisuinnarnut sikkilertunullu pisuunnaat aqqutaannut aqqusineeqqanullu sillimaniarnermut suliniutit, taamatullu ataatsimoorussamik bussinik ingerlatsinerup siuarsarnissaanut suut suliniutaassasut.
1 mio. koruuninik missingersuutitigut kissaatit avataanit siunnersortimut kiisalu aqqusinernik pitsangorsaanissamut angallannermullu sillimaniarnermut pilersaarusiornermut aningaasartuutinut matussutissiuussapput.

Sisimiuni amerlangaatsiartunik pilersaarasiaanngitsumik sananeqartarsimasunik peqarpooq aammalu aqqusineqarluni pisuinnarnullu aqquteqarluni naammassineqanngitsunik, ukiup tulliani aallartittumik piffissaq qaninnerusoq isigalugu, aammalu annertunerusumik pilersaarusiornertaqanngitsumik suliarineqarsinnaasut. Aqqusinernik pisuinnallaq aqquaannik piffissamut qaninnerusumut qullersualersuinissaq eqqarsaatigalugu Nukissiorfiit pinngitsoorneqarsinnaanngillat.

Aqqusinernik pitsanngorsaaneq – angallannermut sillimaniarneq: suliniummut aningaasaliissutit	Missingersuu tit	
Aqqusinernik pitsanngorsaanermut suliniutinut kiisalu angallannermut sillimaniarnermut pilersaarusiorneq	1.000.000 kr.	Missiliut C
Paaraarsummi pisuinnarnut aqqutip inaarsarneqarnera aamma Siaqqinnermi pisuinnaat aqquaannik majuartarfinnillu pilersitseqqiineq	900.000 kr.	Missiliut C
Eeqaavimmut aqqutip aamma Daarnup aqqutaata akornanni kuuffissuup aqquaanik pitsanngorsaaneq	1.000.000 kr.	Missiliut C
Umiatsiaaraatileqatigiiffiup eqqaani Mannup aqqutaata Deichmannip aqqutaata akornanni majuartarfik	250.000 kr.	Missiliut C
Katillugit	3.150.000 kr.	Missiliut C

5. Iermik pilersuinermik kuuffissuarnillu pitsanngorsaaneq: Iermik pilersuineq Nukissiorfiit akisussaaffigaat, kommunilu akisussaaffimmik taassuminnga tigusisinnaanngilaq.

Kuuffissuarnut atatillugu tullinnguuttutigut eqitsit naapertorlugu, kuuffissuarnik nutaanik sanaartornissamut aningaasanik immikkoortitsisoqarpoq.

Iermut mingunnikumut pilersaarutip kuuffissuaqarnerup annertussusaanik ataatsimoortumik pilersaarummik takussusiinissaata tungaanut, kuuffissuit minnerusut allilerneqarnissaanut marloriaammik aningaasaliiffigineqarnissaat, TAI-mit nalilerneqarpoq. 2018-imi iermut mingunnikumut pilersaarut naammasseriarpal, nutaanik pilersitsinissamut pisariaqartitsineq tamakkiisooq paasinarsissaq. Avatangiisinut naapertuuttumik kuuffimmik imaluunniit saliivimmik pilersitsinissamut pilersaarutitalimmik, kuuffissuarnut annertunerusumik suliniutinik aallartitsisoqartinnagu, ataqtigiiissumik iermut mingunnikumut pilersaaruteqarnissaq pingaruteqarluinnarpoq.

Atuiffik 72-41-mi kuuffissuarnik nutarsaanermut - kuuffissuarnut pioreersunut nutarsaanissamut aningaasanik immikkoortitsisoqareerpoq. Kuuffissuit ingerlanneqarnissaannut kommuninit tiguneqarnerani, kuuffissuarnik nutarsaanissamut aningaasaliissutit kommuninut tamanut ilaareermat, aningaasaliissutit taakku Namminersorlutik Oqartussanit utertinneqassapput.

Kuuffissuarnik sanaartornissamut piffissarititaasoq sivikitsunnguovoq, sanasullu ikittuinaat suliassamik taamaattumik suliarinnissinnaallutik. Tamatuma saniatigut aningaasaliissutinut annikitsunut kuuffissuit aqqutissaanik nutaanik nassaarniarneq ajornakusoorpoq, ukiup ingerlanerani sanaartorfiunerpaaallu nalaani sanasut neqerooruteqassatillutik, suliariumannittussarsiuussinernut allanut sanilliullugu, aningaasaliissutigineqartut annikinnerusut nalinginnaasumik pingarnerutinneqassanatik.



Kuuffissualersuineq - nutaat	Atuiffik	2017-imut missingersuutit	2018-imut missingersuutitut nalilersugaq
Kuuffissuit nutaat - Sisimiut	72-42	1.500	3.000
Kuuffissuit nutaat - Maniitsoq	72-42	1.500	3.000
Katillugit		3.000	6.000

6. Sisimiuni kommunip talittarfiutaata qaffassarneqarnissaa: Kommunip talittarfiuta nutaaq atuisunit arlaqartunit ullaat tamaasa atorneqartarpooq. Siunnersuutit tunniunneqartut naammassiniarlugit, talittarfiup atortulersuutaatigut aningaasaliiffiginninnissamut, pitsangorsaatissatut TAI aamma Umiarsualivimmi Siunnersuisooqatigiit siunnersuuteqarput. Talittarfimmi nutaami kilisaatinik usingiaanermi containerinut nillataartsiviusut ikkuffinnik (reeferstik) pilersitsinissamut, kilisaatinik usingiaasartut siunnersuuteqarput. Talittarfiup pitsaanerpaamik atorneqarnissaa eqqarsaatigalugu, talittarfiup nunataata sinnera ujaraaqqanik qallikkap manngersumik qallerneqarnissaa. Talittarfimmi maannakkut manngersumik qalleqganeratut, betongimik qallerneqassaaq, talittarfimmi atuinissamut asfaltimik qallerneqassaguni aqippallaassammat. Umiarsuit tikinnerinut sillimmasiissutissanik avannaata kitaatungaani ruujorinik kallunnaveersaatinik ikkussuineq, matumani umiarsuit pitunnissaannut pituffinnik amerlanerusunik ikkussuineq. Ilaatigut talittarfimmi sullitanut sullissinerup pitsangorsarneqarnissaanut, sumiiffimmi aningaasaqarneq eqqarsaatigalugu talittarfiup pitsaanerpaamik atorneqarnissaa anguniarlugu suliniut, maannakkutut inissiisarfiup naleqartitsinngitsumik atuinermiit.

Talittarfimmi pitsangorsaanerit	Aningaasart ai
Ikkuffik (Reeferstik), nassiunnera ikkussuunneralu ilanngullugit:	850.000 kr.
Talittarfik nutaami usingiaasarfiup qallerneqarnera:	1.600.000 kr.
Ruujorit kallunnaveersaatit, nassiunneri ikkussuunnerilu ilanngullugit:	250.000 kr.
Pituffiit, nassiunneri ikkussuunnerilu ilanngullugit:	300.000 kr.
Pitsangorsaanernut katillugit.	3.000.000 kr.

Umiarsualivinnut siunnersuisooqatigiinnik pilersitsinissaq pillugu qinnuteqaat, 2016-imi marsimi communalbestyrelsip Namminersorlutik Oqartussanut nassiuppa. Qeqqata Kommuniani talittarfiup nutaap inaarutaasumik ingerlatsinermut akuersissummut torersuutitsinissaq pillugu malittarisassat akuersissutigineqarnissaat utaqqineqarpoq. Tamatumakaingorna aatsaat Sisimiuni Umiarsualivinnut siunnersuisooqatigiinnut Qeqqata Kommuniata Namminersorlutik Oqartussallu piginneqartigiinnissaanut innersuussut, Namminersorlutik Oqartussat allaffeqarfiata suliamik ingerlatitseqqissaq.

Sisimiuni umiarsualivinnut siunnersuisooqatigiinnut pilersitsinissamut tunngavissat, Maniitsumi umiarsualivimmut nunatat ilanngullugit Maniitsumi TAI-p Maniitsumilu Inuutissarsiornermut Siunnersuisooqatigiit suliniuteqarneranni atorneqarsinnaapput.

Umiarsualivinnik siunnersuisooqatigiit ataatsimiittarnerinut aalisartut piniartullu ataavartumik aggersarneqartarpooq, tassani umiarsualivimmik atuisut tamat peqataatinneqarnissaat



ukkatarineqarluni. Siunissami qaninnerusumi ungasinnerusumilu atuisunut pissutsit pitsanngorsaaviginissaanut tunngasumik suliaqartoqarluni.

Piffissami matumani nutarterinissamut aningaasaliissutit atorlugit umiatsiaaraleriffik nutarterneqaleruttorpoq.

Sisimiuni kalaalimineerniarfik nutaaq, aalisartunut piniartunullu atugassarititaanut pitsanngorsaataassaaq.

7. Illoqarfinni nunaqarfinnilu puttasoqarnerup pitsanngorsaavigineri:

Kommunip puttassuutai pitsaanngilluunnarpit, pisariaqvissumillu iluarsartuussinissap saniatigut iluarsartuussinissanut ingerlatsinermut missingersuutit annikippallaarlutik. Puttasut kommunimit ingerlanneaqannassappata, piffissap sivikitsup iluani puttasut taarsersorneqarnissaannut aningaasaliisoqartariaqarpoq. Ukiunut sisamanut 6 mio. koruunit agguataarneqarunik, tamanna kommunip puttasuinut iluaqutaangaatsiassaaq.

8. Illoqarfiup qiterpasissuani inuussutissarsiutinut siunertanut sanaartorfissanik immikkoortitsineq:

2017-imi ukiup affaata appaani kommunip pilersaarusrfigineqarneranik misissuineq kiisalu kommunip pilersaarusrfigineqarneranut tapiliussanik nutaanik suliaqarneq aallartisarneqarsinnaavoq.

Siunissamut pisussat eqqarsaatigalugit kommunip pilersaarusrfigineqarnera misissorneqareerpat, sanaartornissamut aningaasartuutaasinnaasunut missiliuutinik aatsaat saqqummiisoqarsinnaalissaq.

9. Kangerlussuarmi umiarsualivik: Umiarsualivinni pitsangorsaanissaq pillugu Naalakkersuisunik soleqateqarneq: Umiarsualivinnik nutaanik sanaartornissamut atatillugu, Kangerlussuarmi umiarsualivissaq nutaaq Namminersorlutik Oqartussanit pingarnertut inissinneqarpoq, taamaattorli suli aningaasaliiffigineqanngilaq.

Ilanngussaq 3 naapertorlugu, Namminersorlutik Oqartussanut missingersuutitigut kissaatini 40 mio. koruunit immikkoortinneqarput, kommunilu aningaasartuuteqassanani.

Innersuussut

Teknikkeqarnermut, Aatsitassarsiornermut Avatangiisinullu ataatsimiititaliamut innersuussutigineqarpoq, 2018-imut missingersuutinut ukiunullu missiliuuteqarfinnut amerlanerpaamik ingerlatsinermut pingasunik aamma sanaartornermut kissatinik tallimanik kiisalu sipaarutissatut siunnersuutinik arlalinnik toqqaallutik aalajangiissasut

Aalajangiineq

Teknikkeqarnermut Aatsitassarsiornermut Avatangiisinullu Ataatsimiititaliaq ingerlatsinermut kissaatitut toqqagai tassaapput:

1. Qulaani ingerlatsinermut attuumassutilinni siunnersuutini "Allaffeqarfiup naliliinera"-ta ataani immikkoortoq 2 naapertorlugu Sisimiuni asfaltliorfik nutaaq aammalu Sisimiuni asfaltliorfimmut aqtsissut nutaaq.
2. Qulaani ingerlatsinermut attuumassutilinni siunnersuutini "Allaffeqarfiup naliliinera"-ta ataani immikkoortoq 3 naapertorlugu ilinniarnissamut suliniutinik aamma upalungaarsimaniarnermut atortut nutaat.
3. Qulaani ingerlatsinermut attuumassutilinni siunnersuutini "Allaffeqarfiup naliliinera"-ta ataani immikkoortoq 4 naapertorlugu Maniitsumi ikuallaavimmi sulisunut amerlassusiliineq ataatsimik qaffanneqassasoq.



Teknikkeqarnermut Aatsitassarsiornermut Avatangiisinullu Ataatsimiititaliaq Sanaartornermut attuumassutiliinni kissaatitut toqqagai tassaapput:

1. Qulaani sanaartornermut attuumassutiliinni siunnersuutini "Allaffeqarfíup naliliinera"-ta ataani immikkoortoq 3 naapertorlugu Sisimiuni qatserutaasivimmik alliliinissaq.
2. Qulaani sanaartornermut attuumassutiliinni siunnersuutini "Allaffeqarfíup naliliinera"-ta ataani immikkoortoq 4 naapertorlugu aqqusinernik, pisuinnaallu aqquaannik pitsangorsaaneq angallannikkullu aaqqiissutissat kiisalu qulaani sanaartornermut attuumassutiliinni siunnersuutini "Allaffeqarfíup naliliinera"-ta ataani takuuq imm. 8 "Illoqarfíup qiterpasissuani inuussutissarsiornermut siunertalinnut sanaartorfissanik immikkoortitsineq"-mi suliniummut akuutitsinissaq.
3. Maniitsumi kalaalimineerniarfimmik alliliineq. Allissutissaata annertussusissaanut allaffeqarfík siunnersuusiusaqaq, tassunga ilanngullugu piumasaqaatinut atuuttunut pissutsinik atuuttunik pitsangorsaaneq kiisalu missinngersuutini periutsimi malitsigisaanik missiliuteqartoqarluni.
4. Sisimiuni kommunip entreprenøreqarfianik "Sannavik" nutaaq. Alliliinissap annertussusissaanut allaffeqarfík siunnersuusiusaqaq, tassunga ilanngullugu piumasaqaatinut atuuttunut pissutsinik atuuttunik pitsangorsaaneq kiisalu missinngersuutini periutsimi malitsigisaanik missiliuteqartoqarluni.
5. Maniitsumi sissami ikaartarfíup kujataatungaani umiatsiaaqqanut talittarfimmik pilersitsineq. Arsaattarfík ivigaaraasalik FIFA angissusissaatut allanngortinneqarluni suliarineqassappat, suliniummit qaartiternerlukut, arsaattarfík ivigaaraasalimmut missingersuutinit mallinut assiaqtinut immiissutitut atorneqarsinnaapput. Suliniut tassaavoq, arsaattarfimmit ivigaaraasalimmit atortussat sinnerisa saniatigut qaartiternerlukunik annertuunik pisariaqartunik immiinissaq kiisalu angallatinut puttasunut pilersitsinissamut siunissamut naammattumik nunamik suliaqarnissaq.

Teknikkeqarnermut Aatsitassarsiornermut Avatangiisinullu Ataatsimiititaliaq sipaarutaasinnaasunut attuumassutilinnik tullinnguuttunik siunnersuuteqarpoq:



1. Sisimiuni ikuallaavik maanna 74 mio. DKK missingersuuteqartoq, taakkunangna affaat Namminersorlutik Oqartussanut qinnuteqaataanikuusut, tak. "Pissutsit atuuttut" imm. o, sapinngisamik piaartumik 2018-imi suliarineqassasoq. Taamaalilluni ukiumut millioninik marlunnik kisitsisitallit tikillugit Qeqqata Kommunia isertitaqarnerulersinnaavoq, tamatumani aammattaaq illoqarfimmi eqqagassalerinermut systemit nutaarluinnaat atuutilersinneqarsinnaallutik kiisalu ikuallaavik ilanngullugu eqqagassalerinermut immikkoortoq tamakkerlugu namminersortunngorsarneqarsinnaanera eqqarsaatigineqarsinnaavoq, sulinummik aningaasaqarnikkut atuilluartuunissamik siunertaqarneq pissutigalugu. Aammattaaq maannakkut uumasupilunni tipilornermillu ajornartorsiutaasut suujunnaarsinneqarsinnaapput.

Ilanngussaq

1. 2018-imut missingersuutissat, ukiunullu 2019-imit 2021 tikillugu missiliuiteqarfiusussat suliarineqarnissaannut pingaarnertut piffissaliussat.
2. Sanaartornermut missingersuut, atuiffik 70, 72, 76 aamma 77 aningaasat ilanngunneqartut pillugit.
3. 01/2017-imi Kommunalbestyrelsip ileqqusumik ataatsimiinnerani imaqarniliaq
4. 2014-imit 2017 tikillugu communalbestyrelsiusimasumit kissaatit allattorsimaffiat
5. 2015-imit 2018 tikillugu communalbestyrelsiusimasumit kissaatit allattorsimaffiat
6. 2016-imit 2019 tikillugu communalbestyrelsiusimasumit kissaatit allattorsimaffiat
7. 2017-imit 2020 tikillugu communalbestyrelsiusimasumit kissaatit allattorsimaffiat

Imm. 04 Tamalaat.

Soqanngilaq.

Ataatsimiinneq naammassivoq nal.10.16

